



Inuussutissarsiutigalugu aalisarnermi aalisakkanik pisassiissutinik aamma akuersissutinik ingerlatsinermik kukkunersiuinermit nalunaarusiamut oqaaseqaat

Aalisarnermut, Piniarnermut Nunalerinermullu Naalakkersuisoqarfimmit ingerlatsinermik kukkunersiuinermit nalunaarusiaq Deloittemit tiguneqarpoq, pisassiissutinik aamma akuersissutinik allaffissornermik ingerlatsinerup nukittorsarneqarnissaanut innersuussutinik imalik.

Aalisarnermut immikkoortortamit kukkunersiuineq ilassilluarneqarpoq pisassiissutinik aamma akuersissutinik ingerlatsinermi suleriaatsini naapertuutinnigissinnaasunik takunnissinnaalluni naliliisinnaasutut periarfissaamat piukkunnartoq.

Innersuussutit ataani tulleriiaarlugit inissitsikkat Deloittep nalunaarusiaanit toqqaannartumik tiguneqarput.

Nalunaarusiap naammassineqarneranut atasumik Aalisarnermut immikkoortortaq nalunaarusiami innersuussutit malitseqartinneranut tuliuttunik oqaaseqaateqarpoq.

Ingerlatsinermi tunngavissaq eqqortoq aamma nutartigaq

Innersuussutigineqarpoq, Naalakkersuisoqarfik siunissami:

- sullissinermi ilitsersuutit atugassat sularinerannik aamma atorineqartarnerisa allannigutsaaliorneqarnerannik pingaartitseqqullugu
- ingerlatsinermi tunngavimmi sullissinermi periutsumik ilanngutsitsinermik suliaqaqqullugu, malittarisassat taamatullu piginnaassutsinut- aamma agguaassinermi killiliuussat atuuttut qanoq paasineqartarnerannut sinaakkutissanik erseqqissunik pilersitsinissaq anguniarlugu.

Aalisarnermut immikkoortortaq sullissinermik suliassanut tamanut ilitsersuutinik suliaqarnermik aallartitsivoq. Avataasiorluni aalisarnermut suliassaqaarfimmi ingerlatsinermi ilitsersuutit amerlasuut naammassipput allallu sularineqaleruttorlutik. Taakkua nalunaarusiami innersuussutit naapertorlugit aqqissuunneqassapput, ingerlatsinermi periaatsit ilanngutsinneqarnissaat pingaartillugu.

Siunissami ilitsersuutinik suliaqarnermi nalunaarusiami innersuussutigineqartut, kiisalu nalunaarutini aqqiissutit naapertorlugit naleqqussaanerit malittarineqartassapput.

16-10-2020
Sags nr.: 2019 - 17133
Akt nr.: 15000722

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

Pingaartumik, maannakkut sinerissap qanittuani aalisarnermut tunngasunik sullissinermi missiliuussinernik aamma naliliinernik pisarialinnik pisariaqartitsisoqartarmat, ilitersuutit killiliussanik erseqqissunik imaqqassapput aalajangiinerni aallaavigineqartartussaammata.

Aalisarnermut immikkoortortaqaarfimmit anguniarneqarpoq suleriaatsit assigiinngitsut assigiissaakkanik ilitersuutitaqarnissaat, taakkunani inatsisit tunngaviusut, ingerlatseriaatsit aamma aqutsinermi periutsit najoqqutarineqartut erseqqissumik allaqqassapput.

Naammassinnermut/naliliinermut piffissaq naatsorsuutigineqarsinnaasoq

Sinerissap qanittuani aalisarnernermut tunngasunik sullissinermi ilitersuummik suliaqarneq 2021-p aallartinnerani aallartinneqassaaq. Avataasiorluni aalisarnermut tunngasunik sullissinermi ilitersuutit 2021-mi qaammatini siullerni pingasuni aaqqissuunneqassapput. Iltersuutinik suliaqarnermik ingerlatsineq oktoberimi 2021 nalilersorneqassaaq, taamanikkussaru 2022-mi pisassiissutit aamma akuersissutit suliarineqareersimassapput, aamma ilitersuutit nutaat/aaqqissukkat atorlugit agguassineqarsimalluni.

Iluatsitsinissamut killiliussaq

Suleriaatsinut ilitersuutit iluatsittumik atulersinneqarnerat naatsorsuutigineqassaaq, suleriaatsinut tamanut ilitersuutit suliarineqarsimappata, taakkua assigiimmik siunertaqassapput atoruminarlutillu aamma sullissinerni atorneqarlutik. Naatsorsuutigineqarpoq kukkunerit amerlassusiat sullissinernut atasumik piusimasinnaasoq - ikilisinneqarsimassasoq.

Qinnuteqaatinik ingerlatsinermi aamma piginnaassutsinut killiliussani ersarissuuneq

Innersuussutigineqarpoq, Naalakkersuisoqarfimmit siunissami:

- qulakkeerneqartoq, qinnuteqaammik immersuiffissanik suliaqartoqarnera aamma ingerlatseriaatsit naapertuuttut tamarmik uppernarsaatitut piumasaqaataannik allaaserinnittoqartoq, taakku naalakkersuisoqarfiup nittartagaa aqutigalugu pissarsiarineqarsinnaasunut tunngasut
- qulakkeerneqartoq, qinnuteqaammik tunniussinissamut killigititaasoq qinnuteqaammik immersuiffissami aamma naalakkersuisoqarfiup nittartagaaani ersissasoq

- qulakkeerneqartoq, piumasaqaatit aamma piginnaassutsimut killiliussat naapertuuttut tamarmik, qinnuteqartumit naammassineqartussat, qinnuteqaammik immersuiffissami aamma naalackersuisoqarfiup nittartagaani ersissasut.

Aalisarnermut, Piniarnermut Nunalerinermullu Naalackersuisoqarfik 2018-imi IT-qarnermut pilersaarusiamik suliaqarpoq, atuisut sullinneqarnerallu pillugit ersarissaaqataasussamik. Tassunga atasumik Naalackersuisoqarfik, taassuma ataani Aalisarnermut immikkoortorta, nittartagaq atorlugu paasissutissiinerup pitsanngorsarneqarneranik ingerlatsinermik sivilunerusumik suliaqarpoq. Suliaq ingerlanneqarpoq ilaatigut sullissivik.gl suleqatigalugu, taanna maanna atuisunut atoruminarsarneqarluni nutarterneqaleruttorpoq, ilutigitiillugu inuussutissarsiortunut quppernermik pilersitsisoqassaaq, inuussutissarsiortunut isaaviup paarlatsissaa. Maani Aalisarnermut immikkoortortami piumasaqaatit, piginnaassutsimut piumasaqaatit, qinnuteqarnermik ingerlatsineq, sullissineq il.il. pillugit nassuiaatinik naammattunik atuisuniillu atoruminartunik allaaserinninnernik suliaqarpugut, qulakkeerniarlugu taakkua aalisartunut ersarissuunerat atortuminarnerallu.

Aammattaq qinnuteqarnermi immersuiffissat tamarmik nutarterneqarput nalunaarusiamilu innersuussutit naaperiarneqarput, ilanngullugu qinnuteqaammik tunniussinissamut ulluliussamik erseqqissaaneq aamma piginnittut atuagaanik ilanngussinissamut piumasaqaat. Aamma qinnuteqarnermi immersuiffissat nittartakkamiilissapput, siunissami qinnuteqaatit nittartakkakut immersorneqarsinnaalerlutik Naalackersuisoqarfimmut toqqaannartumik nassiunneqartalissagamik.

Naammassinnermut/naliliinermut piffissaq naatsorsuutigineqarsinnaasoaq

Sullissivik.gl nutartigaq ukiup nikinginnerani atulissaaq aamma taamaattumik naatsorsuutigineqartariaqarpoq, suliniutit nutaat atuutilissasut ukiup tulliani aalisarsinnaanermut qinnuteqaatinut.

Iluatsitsinissamut killiliussaq

Qinnuteqartunit qanoq amerlatigisut qarasaasiakkut periarfissamik nutaamik atuisanersut tooqqaannartumik uuttortarneqarsinnaassaaq. Anguniarneqarpoq qinnuteqartut tamarmik qarasaasiakkut aaqqiissut nutaq atorlugu qinnuteqartalissasut aamma nassiussinermi uppernarsaatit pisariaqartut tamarmik ilanngunneqartarnissaat.

Agguaassinermi killiliussat aamma pisassanik agguaassinermi ersarissuuneq

Innersuussutigineqarpoq naalackersuisoqarfiup siunissami:

- qinnuteqaammik tunniussivissaq novemberip 30-at sioqullugu qinnuteqartut piukkunnassusillit akornanni pisassiissutit agguaanneqarnerannik killiliussanik aalajangersaaneq aamma tamanut saqqummiussineq ingerlattassagai
- qinnuteqaammik tunniussivissaq novemberip 30-at sioqullugu qinnuteqartut naammassisinnaasaannik piginnaassutsimut killiliussanik aalajangersaaneq aamma tamanut saqqummiussineq ingerlattassagai
- qinnuteqartut piukkunnassusillit akornanni pisassiissutinik agguaassineq naalackersuisoqarfiup nittartagaagut tamanut saqqummiunneqartassasoq.

Aalisarnermut, Piniarnermut Nunalerinermullu Naalackersuisoqarfimmi maanna akuersissutit pisassiissutillu pillugit nalunaarut nutarterlugu ingerlanneqarpoq, tassungalu akuersissutinik agguaassinermi piginnaassutsimut killiliussat ilanngunneqassapput.

Avataasiorluni pisassanik agguaassineq siunissami Naalackersuisoqarfiup nittartagaani tamanut saqqummiunneqartassaaq. IT-qarnermut pilersaarusiamik suliaqarnermut atasumik Naalackersuisoqarfimmit digitalimik aaqqiissut suliarineqarpoq, taanna inuiaqatigiinnut nalinginnaasumik paasisutissanik saqqummiussiviusaaq assersuutigalugu pisassiissutit agguataarnerat, pisassiissutinik pissarsineq il.il., taamaaliornikkut ersarissuuneq sulii annermik pilersinneqassaaq.

Naammassinnermut/naliliinermut piffissaq naatsorsuutigineqarsinnaasoq

Nalunaarut nutartigaq Naalackersuisunit akuersissutigineqarniariapat tamanut saqqummiunneqassaaq, aamma sullissivik.gl nutarterneqassaaq sinerissap qanittuani aamma avataasiorluni aalisarsinnaanermut akuersissutinik pissarsinermi piginnaassutsimut killiliussanut tunngasut. 2021-mut pisassiissutit Naalackersuisunit agguaanneqarpata, taakkua apnn.gl aqutugalugu tamanut saqqummiunneqassapput.

Iluatsitsinissamut killiliussaq

Paasisutissat qulaani taaneqartut tamarmik nittartakkami nutarterneqarpata.

Inatsisinik malittarisassanillu atuuttunik atuutsitsineq

Innersuussutigineqarpoq Naalackersuisoqarfimmit siunissami:

- qulakkeerneqartoq, aalisakkanik pisassiissutinik aamma aalisarsinnaanermut akuersissutinik naalackersuisoqarfiup sullissinera aamma ingerlatsinera inatsisit malittarisassallu atuuttut naapertorlugit ingerlanneqartoq,

- pingaartinneqartoq, naliliinermik siunertaqarluni inatsisit malittarisassallu atuuttut pillugit suliamik aallartitsisoqarnera, aamma taakkua ilaat naalackersuisoqarfimmit atuutsinneqanngitsut naapertuuttuunersut aamma allanngortittariaqarnersut naliiffigalugit.

Aalisarnej pillugu Ataatsimiititaliarsuup sulineranut atasumik inatsisit pillugit suliat ilaat unitsikkallarneqarput, ataatsimiititaliarsuup innersuussutaasa saqqummiunneqarnissaasa tungaannut. Taamaattoq nalunaarutit ilaat teknikkitaannut tunngasunik sulianik ingerlatsisoqarpoq.

Sinerissap qanittuani aalisarnej pillugu naalackersuisoqarfiup ilitsersuutinik suliaqarneranut atasumik nalunaarutit atuuttut misissorneqassapput, qulakkeerumallugu, aalisarsinnaanermut akuersissutinik qinnuteqaatinik naliliisarnej aamma sullissineq inatsisit naapertorlugit ingerlanneqartarnersoq.

Naammassinnermut/naliliinermut piffissaq naatsorsuutigineqarsinnaasoq

Inatsisinik aamma/imaluunniit nalunaarutinik nutaanik suliaqarnej naammassippat Aalisarnermut immikkoortortaq aamma Inatsisilerinermik immikkoortortaq sullissisunut attuumassuteqartunut pikkorissarnernik arlalinnik ingerlatsisassapput, taamaaliornikkut malittarisassat atuuttut assigiissumik paasineqartarnissaat qulakkeerneqarsinnaaqqullugu. Taamaaliortoqartassaaq nalunaarutit aamma Aalisarnermut inatsisip naammassineqarneri ilutigalugit.

Iluatsitsinissamut killiliussaq

Sulissisut malittarisassanik atuuttunik taakkuninngalu paasinnittaatsimik ilisimannilluarput aamma sullissinermik assigiissaakkamik ingerlatsisoqarpoq.

Inunnik ataasiakkaanik aamma ingerlatseqatigiiffinnik nakkutillineq

Innersuussutigineqarpoq Naalackersuisoqarfik siunissami:

- pingaartitsissasoq, inunnik ataasiakkaanik aamma ingerlatseqatigiiffinnik inuusutissarsiutigalugu aalisarnermik ingerlatsisinnaanissamini akuersissummik tunineqarsimasut nakkutilliiffigineqarnerannik ingerlatsisaqqullugu. Nakkutillineq assersuutigalugu ukiumut ataasiarluni ingerlanneqarsinnaassaaq akuersissutinik nutaanik tunniussinermut atasumik. Nakkutillineq aamma nakkutilliiffigisassanik toqqaalluni ingerlanneqarsinnaavoq, akuersissutaatillit aamma akuersissutinik piginnittut ukiut tamaasa nakkutilliiffigineqartussatut toqqaarneqartarlutik.
- ingerlatseqatigiiffimmik piginnittut atuagaataat aalisarsinnaanermut akuersissummik qinnuteqaammut ilanngunneqartarnissaanik piumasaqaateqassasoq. Piginnittut atuagaanni ersissapput piginnittut

ingerlatseqatigiiffiit allat aqutigalugit toqqaannartumik
toqqaannangitsumillu piginneqatigiissutaat.

Soorlu siornatigut taaneqareersoq qinnuteqaammik immersuiffik 2020-mi aasap ingerlanerani nutarterneqarpoq, aamma tassuuna maannakkut piunasaateqalerpoq, aalisarsinnaanermut akuersissutinik qinnuteqarnermi piginnittut atuagaasa ilanngunneqarnissaat. Piginnittup atuagaa pingaaruteqarpoq ingerlatseqatigiiffiup nakkutilliiffigineqarneranut atasumik, taakkunatigut piginnittut akornanni piginneqatigiissutit agguataarnerat paasineqarsinnaasarmat, tamanna pinngitsoorneqarsinnaanngilaq piginnittut piunasaqaatinik naammassinnerannut naliliinermi.

Avataasiorluni aalisarsinnaanermut akuersissutinik qinnuteqaatinik suliaqarnermut atasumik tunngaviatigut killiliussat naammassineqarnerat nakkutilliiffigineqarsinnaasimannngilaq. Ingerlatsiviit taakkua angallatit assingusut atorlugit ukiut tamaasa qinnuteqartarmata sullissisunit ilisimaneqarpoq angallatit piunasaqaatinik naammassinnittuusut, aamma taamaattumik paasissutissat pigineqareersut ilisimaneqartullu pissarsiariumallugit qinnutiginnissaat pisariaqanngitsutut isigineqarsimavoq.

Taamaattoq tunngaviatigut Aalisarnermut immikkoortortamit allannguutinik assigiinngitsunik pisoqarsimasinnaavoq taamaattumik periuseq taanna siunissami allanngortinneqassaaq. Aalisarnermut immikkoortortamit ilitsersuutit nutarterneqarsapput, erseqqissunngoqqullugu sullissisumit qanoq qulakkeerneqassanersoq uppersarsaatit naammattuunerat aamma piunasaqaatinik naammassinninneq. Matumani angallatit pillugit inuiaassusermut uppersarsaatit, uuttuinnermut allakkiat kiisalu ingerlatsivinnik piginnittunut tunngasut pineqarput.

Aalisarsinnaanermut akuersissutinik qinnuteqaatinik sullissinerni inuit ataasiakkaat aalajangersimasumik misissuiffigineqarneq ajorput, tassunga ilanngullugit attuumassuteqarnermut, najugaqarnissamut akileraartarnermullu piunasaqaatit.

Naalakkersuisoqarfimmit misilillugu ingerlatseriaatsinik pitsanngorsaasoqassaaq pissutsit pitsaasumik misissorneqartaleqqullugit, immaqa LULI-kkut toqqaannartumik imaluunniit akileraartarnermut suliaasaqarfimmut aamma inuit nalunaarsorneqartarfiannut allatut attaveqarluni, immaqa cpr- aamma akileraartarnermi nalunaarsuiffimmut allagaqaat aqutigalugu.

Naammassinninnermut/naliliinermut piffissaq naatsorsuutigineqarsinnaasoq

Suliaq taanna 2021 tamakkerlugu pingaartinneqassaaq, ilutigitillugu ilitsersuutinik suliaqarneq.

Iluatsitsinissamut killiliussaq

Ingerlatseqatigiiffinnik aamma inunnik ataasiakkaanik nakkutilliineq tamakkiisumik ingerlanneqassaaq aamma sullissisut ilisimavaat, paasissutissat qanoq aaneqassanersut aamma uppersaasinnaallutik qulaani pissutsit eqqartorneqartut tamarmik misissorneqartarnerannik.

Journalimut toqqorterineq aamma sullissinernit uppersaanerit

Innersuussutigineqarpoq Naalakkersuisoqarfimmit siunissami:

- pingartinneqartoq, qinnuteqaatinut ataasiakkaanut tamanut suliamik nutaamik pilersitsisarnissaq. Sullissisup suliaanik tapersuisinnaajumalluni suliaq nutaaq qinnuteqartumut sulianut allanut F2-mi journalimi toqqorneqarsimasunut attuumatinneqarsinnaavoq
- pingartinneqartoq, suliaq F2-mi matuneqartassasoq, aalajangiisoqaraangat, aamma paasissutissat naapertuuttut allat tamarmik suliami journalimut toqqorneqartassasut.

Avataasiorluni aalisarnermi ukiut tamaasa qinnuteqartut ataasiakkaat pillugit suliamik pilersitsisoqartarpoq. Naliliisoqarpoq, avataasiorluni aalisarnermut tunngatillugu journalimut toqqorterisarneq siunertaq naapertorlugu ingerlanneqartoq, naak sulissineq pitsaanerpaaq anguniarlugu piffissap ingerlanerani aaqqiissutinik annikitsunik atuutsitsilersoqartaraluartoq.

Aalisarnermut immikkoortortap sinerissap qanittuani aalisarneq pillugu journalimut toqqorteriffik nakkutilliiffigissavaa journalimut toqqorterisarneq naapertuuttoq qulakkeerumallugu. Pingaaruteqarluinnarpoq toqqorterivimmit paasissutissanik tiguisoqarsinnaanera aalisarnerup issusianik qulaajaasumik.

Oktoberip qiteqqunnerani sinerissap qanittuani aalisarnermut tunngasumik journalimi toqqortereriaaseq nutaaq atulersinneqarpoq, tassani qinnuteqartut nutaat tamarmik immikkut suliatut nalunaarsorneqartalerput. Suliaq qinnuteqartumut akuersissummik tunniussinermik inerneqassappat, qinnuteqartoq KANUAANA-mi nr.-imik tunineqassaaq, aamma suliaq KANUAANA normuanik atserneqassaaq. Taamaalilluni sinerissap qanittuani aalisarnermi akuersissutaatilinnut journalimi toqqortereriaaseq assigiilissaaq.

Taassuma saniatigut maanna sinerissap qanittuani aalisarsinnaanermut akuersissutinik qinnuteqartut nutaat qanoq amerlatiginerat nalunaarsorneqartalerpoq. Taamma misiliummik aaqqiissutaavoq journalimut toqqortereriaaseq naapertuunnerpaaq paasiniumallugu aamma

nalunaarsorsinnaajumalugu, ukiut tamaasa nutaatut qinnuteqaatit qassit tiguneqartarnersut. Ilanngullugu sulianik aalajangiinerit ima nalunaarsorneqartassapput, ukiut tamaasa naatsorsueqqissaarnernik pissarsisoqarsinnaalerluni aalisartut nutaat qinnuteqartut qassit itigartitsissutinik aamma akuersissutinik tunineqartarannut tunngasumik.

Aalisarnermik ingerlatsisooreersunut suliat namminneq KANUAANA-mi normuqarput. Isumatusaarnerunngilaq aalisartut ataasiakkaat tamarmik KANUAANA-mi normumik ataanni ukiut tamaasa suliamik nutaamik pilersitsiffigineqartarnissaat.

Journalimi toqqorterinermit atasumik ilitersuutini erseqqissumik innersuussisoqassaaq isissutissat eqqortut atorlugit journalimut toqqorterisoqartarnissaanut, taamaaliornikkut suliamik ingerlatsisimasup saniatigut suliani uppersaatit tamarmik sulisunit allanit pissarsiarineqarsinnaaqullugit.

Naamassinnermut/naliliinnermut piffissaq naatsorsuutigineqarsinnaasoq

Journalimi toqqorterinermit ilitersuutit suliarineqarnera/nutarterneqarnerat 2021-mi qaammatit siulliit pingasut pisussatut naatsorsuutigineqarpoq.

Iluatsitsinissamut killiliussaq

Sinerissap qanittuani aalisarnermik sullissinermi journalimut toqqorterineq avataasiarluni aalisarnermut sullissinermi journalimut toqqorterinertut pitsaassuseqarpoq.

Pisassiissutit ilanngarnerannut tunngasumik paasissutissat digitaliusumik pissarsiarineqarsinnaanerit

Nalunaarusiami paasissutissat digitaliusut pillugit apeqqut sammineqarpoq:

- Aaqqiissummik digitaliusumik ineriartortitsineq pisassiissutit ilanngartarnerisa ersarissuunerannut pilersitseqataassaaq. Taassuma saniatigut paasissutissanik saqqumisitsineq ima kinguneqassaaq KANUAANA-mit pisassiissutit amerlassusiisa killiffiat naalackersuisoqarfimmut, aalisartut kattuffiinut aamma aalisarnermik inuusutissarsiutilinnut nassiussorneqartarunnaassasut. Aaqqiissummik digitaliusumik ineriartortitsinissami paasissutissat sorliit saqqumisinnissaanut paasiniaaqaarneq pinngitsoorneqarsinnaanngilaq, ilanngullugu paasissutissat ilaannik saqqumisitsinermi atuisup kinaassusiata ilisimaneqartariaqarnera.

Soorlu taaneqareersoq Naalakkersuisoqarfimmit 2018-imi IT-qarnermut pilersaarusiamik suliaqartoqarpoq, aamma suliniutit ingerlanneqartut ilaat tassaavoq, paasissutissanik qaraasaasiat attaveqaataasigut saqqumisitsinissaq assersuutigalugu pisassiissutit, pisassiissutit ilanngarnerat il.il., taamaaliortoqarumavoq aalisarnej pillugu innuttaasunut annermik ersarissuujumalluni aamma paasissutissat pissarsiariuminartooqqullugit. Suliniut taanna 2021-p ingerlanerani naammassissangatinneqarpoq.

Naammassinnermut/naliliinnermut piffissaq naatsorsuutigineqarsinnaasoq

Suleqatigiinnik pilersitsisoqarsimavoq KANUAANA-mi, Aalisarnermut immikkoortortami aamma Piniarnermit immikkoortortamit ilaasortalimmik, tassanga suliarineqarpoq paasissutissanik nikittuartunik saqqummiussinnermut tunngasut, tassunga ilanngullugu pisassiissutit ilanngartarnerat. Ajorluartumik paasissutissanik taamaattut nittartagaq naalakkersuit.gl aqutigalugu saqqummiunneqarsinnaanngillat teknikkikkut killit pissutigalugit, aamma taamaattumik paasissutissanik saqqummiussinnaajumalluni ineriartortitsinermik ingerlatsinermi nittartagaq nutaaq aamma teknikkikkut pisariaqartitat apeqqaataassapput. Taamaattoq 2021 naatinngu ingerlatsinnaaneq naatsorsuutigineqarpoq.

Iluatsitsinissamut killiliussaq

Nittartagaq aqutigalugu tamanit takuneqarsinnaasunik paasissutissanik nikittuartunik ersarissuulluni saqqumisitsineq, tassunga ilanngullugu pisassiissutit ilanngartarnerannik.

Nalunaarusiap immikkoortuata aappaa

Nalunaarusiap immikkoortuata aappaani avataasiarluni aamma sinerissap qanittuani aalisarsinnaanermut akuersissutinik qinnuteqaatit toqqakkat nakkutilliiffineqarput.

Nalunaarusiap immikkoortuatani, suliat kukkunersiorneqarnerannut tunngasumi, innersuussutit ataaniittut nalunaarsorneqarput. Aalisarnermut immikkoortortami innersuussutit malitseqartillugit imaattunik oqaaseqaasiorput:

Uppernarsaatiniq nassiusseqqinneq

Innersuussutigineqarpoq Naalakkersuisoqarfik siunissami:

- nakkutilliissasoq qinnuteqaammik immersuiffissat tamarmik eqqortumik immersorneqartut, aamma uppersaaneq pisariaqartoq qinnuteqaatinut ilanngunneqartoq,
- qinnuteqartunut uppersaanermik pisariaqartumik nassiusisimannigitsunut qinnutigineqartoq, uppersaatiniq amigaataasunik nassiusisoqaqqullugu.

Aalisarnermut immikkoortortamit qinnuteqarnermi immersuiffissat nutarterneqarput, erseqqissarneqarluni sullissisinnaajumalluni uppersartaatit sorliit pisariaqartinneqarnersut. Taamaattumik maannakkut qinnuteqarnermi amigaataasinnaasut erseqqinnerusumik allassimalerput. Ilitsersuutini nutaassani immikkut erseqqissaatigineqassaaq, sullissineq aallartinneqarsinnanngitsoq uppersartaatit tamavimmik nassiunneqarsimatinnagit, aamma uppersartaatit amigaataassappata qinnuteqartunit pissarsiariniarneqaaqqaartassasut.

Ilanngullugu eqqaaneqassaaq sullissivik.gl-imik aamma inuusutissarsiortunut quppernermi nutaassamik suliaqarnerni qulakkeerneqassasoq, inuit nittartagaq atorlugu qinnuteqartut, qinnuteqaammik nassiussisinnaassanngitsut immersugassami immersuiffissat tamarmik immersorsimaneqartinngagit uppersartaatillu piumasagaataasut qinnuteqaammut ilanngullugit ivertinneqarsimatinnagit.

Naamassinnermut/naliliinnermut piffissaq naatsorsuutigineqarsinnaasoaq

Qarasaasiakkut attaveqaatit atorlugit qinnuteqarsinnaaneq ukiup nikinnginnera sioqqullugu atulersinneqassasoq naatsorsuutigineqarpoq, aamma naatsorsuutigineqarpoq 2021-mi qinnuteqaatit tamarmik uppersartaatinik pisariaqartunik imaqassasut.

Iluatsitsinissamut killiliussaq

Sullissinnermik aallartitsisoqassanngilaq uppersartaatit pisariaqartut tamarmik ilanngunneqarsimatinnagit.

Sullissinnermik ingerlatsinnermit allattuinnermik uppersartaaneq

Innersuussuutigineqarpoq Naalakkersuisoqarfik siunissami:

- sullissinnermik ingerlatsinnermit allattuinnermik uppersartaassasoq aamma suliami qanoq aalajangiisoqarnera pillugu.

Avataasiorluni aalisarneq eqqarsaatigalugu siunissami ukiumoortumik allattuinnermik ingerlatsisoqartassaaq, taakkunani pisassiissutinik agguassineq erseqqissumik tunngavilersorneqassaaq. Taamaaliornikkut Aalisarnermut immikkoortortamit aalajangiinnernut tunngavilersuutit tamatigit nassaarineqarsinnaassapput, ersarissuunermik annermik pilersitseqataalluni aamma agguassinnermi kukkusoqarsinnaaneranut annikillisitsilluni. Periaaseq taanna ilitsersuummi ilanngunneqassaaq.

Sinerissap qanittuani aalisarnermi suliani allattukkat ilanngunneqartassapput aalisarsinnaanermut akuersissutinik qinnuteqaatinut tunngasut, taakkunani

itigartitsinissamut/akuersissuteqarnissamut eqqarsaatersuutit erseqqissuullutik. Periaaseq taanna ilitsersuummi ilanngunneqassaaq.

Naammassinnermut/naliliinermut piffissaq naatsorsuutigineqarsinnaasog

Avataasiorluni aalisarnermi periaaseq taanna atuutsererpoq, ilitsersuutinili suli erseqqinnerulersinneqassaaq aamma atuulersitsineq ingerlaannartumik atuutissaaq. Sinerissap qanittuani aalisarnermi 2021-p ingerlanerani suleriaatsit nutaat pitsaanerusullu atulersinneqassapput.

Iluatsitsinissamut killiliussaq

Pisassiissutinik agguaassineq kiisalu akuersissutit pillugit aalajangiinerit uppersarluagaapput, aamma qaqugukkulluunniit suliani ataasiakkaani aalajangiinermut tunngaviusimasut takuneqarsinnaapput.

Qinnuteqartunut allakkatigut akissutit tunngavilersukkat

Innersuussutigineqarpoq Naalakkersuisoqarfik siunissami:

- qinnuteqartunut ataasiakkaanut tamanut allakkatigut akissummik tunngavilersukkamik nassiussisassasog, tassani nassuiarneqarluni soog qinnuteqartoq akuersissummik tunineqarnerisog imaluunniit qinnuteqaataa itigartitsissutigineqarnerisog
- qinnuteqartunut ataasiakkaanut tamanut allakkatigut akissummi naammagittaalliuteqarsinnaanermut ilitsersuut ilanngunneqassaaq, akuersissummik qinnuteqaammik itigartinneqarsimasunut.

Itigartitsinermut tunngavilersuut kiisalu naammagittaalliuteqarsinnaanermut ilitsersuut ingerlaannartumik atulersinneqarput, ilaatigut itigartitsineq aamma akuerisaaneq pillugu allaganngortussat ilusissaannik suliaqartoqalerluni taakkua ilitsersuummut ilanngunneqarumaarput. Naammagittaalliuteqarsinnaanermut ilitsersuut sullissivik.gl-imi aamma ilanngunneqassaaq.

Naammassinnermut/naliliinermut piffissaq naatsorsuutigineqarsinnaasog

Akissutit tunngavilersukkat atuutsinneqalereerput.

Iluatsitsinissamut killiliussaq

Akissutit tunngavilersukkat qinnuteqartumit qulalersitsissanngillat, qinnuteqaammik suliaqarnermi suut tunngavigineqarsimanerat pillugu.

